

續修四庫全書



《續修四庫全書》編纂委員會編

續修四庫全書

上海古籍出版社

九七八・子部・農家類

幽風廣義三卷	〔清〕楊 岫撰	一〇三
桑志十卷首一卷	〔清〕李聿求撰	一〇三
西吳蠶略二卷	〔清〕程岱荈撰	一四九
蠶桑輯要二卷	〔清〕高 銓撰	一七一
廣蠶桑說輯補二卷	〔清〕沈 練撰	二二三
〔清〕仲學輅輯補		二二三
蠶桑輯要一卷	〔清〕沈秉成撰	二四五
種桑說一卷	〔清〕吳 烜撰	二七三
湖蠶述四卷	〔清〕汪曰楨撰	二九三
桑蠶提要二卷附桑蠶說一卷		三四九
〔清〕方大湜撰		三四九
蠶事要略一卷	〔清〕張行孚撰	四二七
粵中蠶桑芻言一卷	〔清〕盧燮宸撰	四三七

蠶桑備要四卷醫蠶病方一卷		四六一
〔清〕劉清藜補輯		四六一
裨農最要三卷	〔清〕陳開沚撰	四八九
養蠶秘訣一卷	〔清〕張文藝撰	五二三
蠶桑說一卷	〔清〕趙敬如撰	五二七
蠶桑輯要不分卷	〔清〕鄭文同撰	五三九
橡繭圖說二卷	〔清〕劉祖憲撰	五五一
柞蠶雜誌一卷	柞蠶問答一卷	五九七
〔清〕增 韞撰		五九七
柞蠶彙誌一卷	董元亮撰	六〇五
樗繭譜一卷	〔清〕鄭 珍撰 莫友芝注	六一九
野蠶錄不分卷	〔清〕王元綬撰	六四一
柳蠶新編二卷	〔清〕許鵬翊撰	七〇一

豳風廣義

〔清〕楊
岫撰

據復旦大學圖書館藏清乾隆五
年寧一堂刻本影印原書版框
高二二二毫米寬三〇二毫米

乾隆庚申歲鐫

興平楊雙山纂輯

函風廣義

寧一堂藏板

函風廣義叙



余家江右民俗頗勤力田外
無不蠶桑是務者及渡江而
至河北凡厯都邑井閭間見
宅多不毛婦休其織問之皆

序

曰地不宜蠶心亦以為然也
歲丁巳奉

命來陝陝故周秦漢唐之都入
關以來地沃野豐草樹滋植
意其富庶之風今猶之昔矣

乃數年中察民間蓋藏千不
得一二而至于蠲筐蠶績毫
無有焉蓋同之乎河北也豈
桑柔候甸古今亦異宜歟已
而茂陵楊生手其幽風廣義

一編并縷陳蠶桑地無不宜
者求廣其利民間余閱之知
楊生已親試而衣被之今且
思衣被其鄉國矣夫君子之
有所為非徒已有餘而已亦

將以及人也今楊生甫得其
利而即欲推之於人其不自
私為何如夫楊生非有衣食
斯民之責者也而然且如此
則夫儼然民上而為之父母

視斯民之號寒而求所以衣
被之者其情之切之急又當
何如也余既頒其書於各邑
曰叙其首以勗其賢令焉乾
隆七年壬戌中和節豫章師

念祖書于綠澄軒



幽風廣義序

貨惡其棄於地也故利用厚生與正德並重吾鄉幽岐豐鎬之盛在周以前無論已即漢唐之間關中財賦甲天下其時秦民必無耕而不織肉而不帛之理宋元民力耗於西夏亦不至輒廢蠶桑惟明末流寇屢蹂關輔故家遺俗幾鮮子遺以至 本朝承平百年秦俗僅力

序

四

農而於蠶桑之利概懵然也 雙山楊子茂陵高士也德性深醇道氣沈靜絕俗儒之奔競置帖括於弗問生平以聖賢為心即生平以聖賢為事者也慨秦人知稼穡而昧蠶桑每視他人之號寒者若身受馬讀書之餘究心於幽風七月之篇實體乎孟子王道之論手植墻下之桑早獲衣帛之利因知可以被

家者即可以被一邑且可以被一國也於是廣為搜羅勤於輯訪樹藝之法精益求精繅織之具密益求密集成一編壽之梨棗顏曰幽風廣義蓋為秦人謀衣也而中參以養素園俾貧士不乏助道之資末附以知本錄使少長皆歸成德之列衣備而家有餘積教行而人鮮逸志盈寧之慶仁讓之風舉基諸此矣

序

五

乃知 楊子讀聖賢書即能躬行其事用以利人利物視世之沾沾於章句之末口耳之間者其相去殆不啻什伯也子以椎魯服膺 揚子者有年而是書之作則高第巨子史子共勸其成子實未贊一辭焉然是事也固經術之見端真不出家而成教於國之義故不辭固陋而樂為之序

時

乾隆六年歲次辛酉桂月穀旦青門後學王章頓首拜書



序

六

叙

古者先王之制首重農桑一夫不耕或受之饑一婦不織或受之寒聖帝肇自北方耕織載在豳風想其豐亨之景雍和之象令人歎慕不已是農桑起自秦中漸及南地故天下後世莫不羨豳原之風惜平桑蠶廢於往代誤爲風土不宜遂失其傳已

序

七

而缺利一倍今時際熙皞生齒日繁而秦人僅守一耕治生無增補救無法衣被不敷閭閻漸艱豐歲尙且多困歉年其何以堪凡有識者莫不爲之寒心我

朝重熙累洽和氣致祥凡未舉者皆舉未復者皆復想亦是政可興之日也有

雙山楊子生於吾鄉賦資聰慧才畧性成

序

八

自髫年卽拋時文矢志經濟博學好問凡天文音律醫農政治靡不備覽學宗孔孟以聖賢之心爲心每勸人以格物窮理敦本復性爲要養身治生爲首人性皆善接之者莫不歡從吾鄉有淫祀自唐迄今千有餘年所費不貲每至其處輒驟生爭端先生每集同人講勸遂罷其祀至今鄉人安於無事吾鄉去城邑甚遠貿易不便先生相地集衆立爲日中之市鄉人便之先生乙巳遊南山見柵橡滿坡知其有用特買沂水蘭種令布其間至今利之先生格致之精洞達醫理嘗針里人腸胃之瘡預診友人三年之死療久棄之癰症起數載之沉痾親目奇驗難以枚舉而周

知多能識見超越深明秦人荒歉逃亡之
獎胎於無衣講之極詳且悉遂有樹桑之
舉然其寧無法不成 先生博訪雅懇盡
得其法其種植灌溉繰解經織之務悉躬
親而履蹈之數年之間大獲其益迄今十
餘年來高堂有輕煖之奉室家有盈箱之
積比閭族黨矜式率由者益衆來求法學
序 九
手者無遠近 先生皆親教之近來吾鄉
之童子皆能繰水絲矣向之無衣無褐者
今且曳纁而拖繒功有實功效有實效而
先生不欲以衣帛之美私諸一室一鄉務
欲播之當時垂之奕禩俾人人均食其報
因著齒風廣義一帙連類備載畜牧園圃
之制事事親經其立法極善取效甚捷樂

從者皆驗誠致富之良謨也上爲

國家培元氣下爲斯民立生命豈小補哉若
人人踵而行之不過數年之間共歌五袴
咸慶大有斯信此書之非夸也又烏得以
小道而目之余於 先生爲比鄰之舍葭
葦之戚見之習知之稔故能詳述始末以
樂告當世之仁人君子遍曉鄉鄰共舉此
序 十
務使秦中家家樹桑人人衣帛穀自可積
而富可永保則幸甚

皆

乾隆五年歲次庚申孟春上浣之吉眷弟

劉 芳頓首拜題



幽風廣義弁言

天生蒸民畀之食以養之畀之衣以被之
蓋食出於耕衣出於桑二者生民之命教
化之原缺一不可者也夫人生一日不再
食則饑終歲不再衣則寒饑之於食寒之
於衣得之則生失之則死耕桑之所係大
矣哉是以神農爲耒耜以利天下堯命四

幽風廣義

弁言

子敬授民時舜命后稷教民稼穡禹勸溝
洫萬邦作乂殷周之盛詩書所述皆以耕
桑爲立國之本故孔子籌保庶先富而後
教孟子陳王道先桑田而後庠序古者天
子躬耕后親桑爲天下先重本也自有生
民以來未有耕桑不舉而可以興道致治
者也而不知者反視耕桑爲鄙事曰君子

自當爲其遠且大者嗚呼此亦弗思之甚

也夫經世大務總不外教養兩端而養先
於教尤以耕桑爲首務古聖王之治天下
也養之以農衛之以兵節之以禮和之以
樂生民之道畢矣吾儒儲學者卽學此農
兵禮樂爲治者卽運此農兵禮樂四者乃
天德之實王道之本萬古莫之易也若舍

幽風廣義

弁言

此而求奇索隱談玄說妙無非英雄欺人
之語有何遠大之可爲且世之人終歲皇
皇經營籌畫其塗雖殊其實同歸於衣食
獨不思衣食之源致富之本皆出於農農
非一端耕桑樹畜四者備而農道全矣若
缺其一終屬不足昔聖王之富民也必全
此四者故宅不毛者罰里布田不耕者出

屋粟民無職事者出夫家之征卽其效也
不耕者祭無盛不蠶者衣無帛不畜者祭
無牲不樹者無椹不績者不衰其加意養
道如此人能遵斯四者力耕則食足躬桑
則衣備樹則材有出畜則肉不乏自然衣
帛食肉不饑不寒取之不盡用之不竭不
出鄉井而俯仰自足不事机智而諸用俱
備日積月累馴致富饒世世守之則利賴
無窮若棄自然之美利圖難必之貨財縱
聚珠盈斗積金如山饑不可爲食寒不可
爲衣故諺有之曰百年無金珠何傷十日
無粟帛身亡是以寒者不貪尺玉而思衽
褐饑者不顧千金而美一餐故明王貴粟
帛而賤珠玉重農民而輕商賈我

商風廣義

弁言

三

皇上宵衣旰食首重農桑使倉有餘粟篋有餘
帛登斯民於富壽之域而承流宣化之賢
莫不仰體

聖意留心本務但秦人自誤於風土不宜之說

知耕而不知桑是有食而無衣至於樹畜
失法又乏資助之益故每歲之中必賣食
以買衣因衣之費而食已減其半又兼諸
凡之費莫不取給於一耕四者缺三烏得
不窮所以豐凶俱困衣食兩艱稍有荒歉
則流亡載道人但知凶荒始於無食而不
知其實胎於無衣余詳考屢察深知其故
每思所以治衣之法試諸木棉麻苧厥成
維艱殫思竭慮未得其善因誦邠風一詩
及孟子陳王道諸章頓有所悟夫邠岐俱

商風廣義

弁言

四

屬秦地先世桑蠶載在篇什可考豈宜於古而不宜於今與余因而博訪樹桑養蠶之法織工繰絲之具頗得其要自樹桑數百株歲在己酉始爲養蠶其年蠶成所繰水絲光亮如雪能中紗羅綾緞之用迄今十有三載歲歲有成親經實驗已獲其益仰體我

幽風廣義

弁言

五

皇上加意農桑愛養斯民之至意不忍私譖一身竊願推以及人因集是編顏曰邠風廣義若家戶行之則稼穡之外復增利一倍每樹桑一畝歲可得絲九斤若樹桑十餘畝歲可得絲百餘斤不特五十之老可以衣帛卽賦稅婚喪之費亦可取給於此豐衣足食之樂可立而待矣然桑蠶旣舉而

孕字之事缺焉不講何以佐農桑之不逮衣帛之老又何能食肉乎余特揀採善法精尋實效求其切於日用家家可畜者猪羊鷄鴨之法俱親經有驗連類而備載之能依法牧養則孳生不窮不特七十之老足以食肉卽八口之家亦有餘甘矣更思秦中園圃久廢樹藝失法追倣素封之意

幽風廣義

弁言

六

自制一園名曰養素已見實效附於蠶畜之末以公同志是編也始以桑蠶補歲計之不足繼以畜牧佐農桑之不逮終以園制爲士人養高助道之資此余殫十餘年之苦心親身經歷而輯成者非徒抄撮成說道聽耳聞者可比授之剗剗用廣同人敢自附於作者之林乎亦庶幾利用厚生

之一助云爾

乾隆六年季夏上浣茂陵楊 岫雙山氏

題於會心齋舍



爾風廣義

弁言

七

陝西西安府興平縣監生楊岫謹為敬

陳桑蠶實效廣開財源以佐積貯裕國輔治以厚
民生事恭惟我

朝定鼎以來

皇恩屢沛厚澤深仁淪肌浹髓

雖跼伏草莽敢忘雍

熙大化念野人曝背食芹猶欲上獻今有桑蠶美
政已獲親經實效上廣倉廩之儲蓄下備生民之
衣帛開利之源莫大於此實有補於

國計民生豈能隱忍不言然事雖平常實係生民重

商風廣義

卷之一

敬陳

二

大之務非三申五令遂可成功若非為天地立心
生民立命建功立業之賢忠君愛民之誠豈能任
斯勞苦以行永久
風懷此願未敢輕舉今欣逢
憲天大人學宗東魯德備中和建伊傳之嘉業著周
程之文章

特簡撫秦保赤為懷洞源在念想桑蠶美政久在
仁心籌畫之中
非為名亦非為利緣仰體

大人愛民至意採訪之殷謹摠愚者一得之見敬陳
利弊願獻芻蕘之言伏祈

俯覽竊惟經國之大務無過於農桑二者乃斯民
衣食之源王政之本是以古來聖君賢相莫不以
此為急務故孟子陳王道亦必以農桑為政首七
篇之中丁寧反覆皆不出此我

聖祖仁皇帝念切民依垂訓十六條倫常而外首重農桑

嘗刊耕織圖頒行中外使知務本之至意蓋未有
農桑二政缺一而可以興道致治者也而承流宣
化之賢莫不欽奉

聖諭留心本務農桑並舉固已民安物阜矣獨是秦人

商風廣義

卷之一

敬陳

三

自誤於風土不宜之說知農而不知桑是有食而
無衣二者缺一則民失一倍之資至於木棉麻苧
又非秦地所宜絲帛布葛通省無出雖厥土黃壤
厥田上上自桑蠶一廢五穀之外百無所生究不
能全獲地利常有饑寒之患夫一女不績天下必
有受其寒者而况通省之不績乎雖有數縣木棉
之出然不過一縣中百分之一不足本地之用豈
能廣布通省是以秦人歲歲衣被冠履皆取給於
外省而責穀以易之穀賣之於遠方是穀輸於外

省矣絲帛木棉布葛之屬買之於江浙兩廣四川河南是銀又輸於外省矣每歲必賣食買衣因衣之費而食減其半其艱於食者固自不少而缺於衣者抑已良多夫農一歲之入能有幾何貢賦賴之八口賴之婚喪賴之兼之一歲之衣被仍賴之焉得不豐歎並困而衣食兩艱耶豐則粟賤金貴而公私並需一糶無餘歎則室如懸磬而流亡過半無衣之害一至於此尚望其有餘積乎古者耕三餘一而秦人之積無異酌涓水而實漏卮矣

商風廣義 卷之一 敬陳

四

生長於斯深知秦人兩困之原踵自無衣且嘗親受其累每思所以治衣之法試諸木棉麻苧厥成維艱竭思殫慮十餘年來考諸詩書傳記方知蠶桑乃秦人本有之業但因往代兵燹之後砍伐殆盡物易人遷樹桑養蠶之法盡失其傳後世習而不察誤爲風土不宜之說因而棄置不講所以桑蠶之業久廢女工之事不作無人焉以倡率開導之遂棄無窮之地利委諸土壤以自有之衣具仰給鄰里甚屬可惜因博訪樹桑養蠶之法織工縵

絲之具無不按其規程盡其法則先自樹桑數百株於已百年始爲養蠶鄉人每有笑其迂濶難成者亦弗之顧惟日夜經營無少懈怠既而蠶成及繅水絲之日鄉人乃共相環視見其絲堅韌有色光亮如雪觀所未見莫不驚異由是鄉鄰之中多有倣之養蠶者迄今十有三年歲歲見收近來鄰邑亦有慕倣者但欲養蠶者雖多而樹桑者甚少徒作羨魚之歎而罕結網之思若能設法勸誘力加開導使桑蔭有滿於阡陌則蠶事自興於民

商風廣義 卷之一 敬陳

五

問而秦人之富可立而致也然秦人多疑南北風氣之殊天時寒熱之異以爲桑蠶非北地所宜又謂卽或偶爾有成不過一隅之地恐非通省所宜此亦靡所考稽之故也請以北地桑蠶可舉者証據有六其大利於秦者有四並將桑蠶易舉及古今教民桑蠶有成效而遺澤後世者悉爲

憲天大人詳陳之考自伏羲採暉山之繭抽絲爲絃以定音律而天下化黃帝元妃西陵氏始爲室養蠶女媧澤潞製袞冕定儀度別尊卑垂衣裳而天下